

Genesis 6



Nol-avq dai khi aivq nail phaqqaq
ma yaq nail ganl neq, niaail hai
ngaol: Nol-avq neq, tsaq nail
daol nail teevq gaq pevq nail
ngaol. Aqyanq al yanq miltsaq
kovtavq bhai, teevq gaq

teevq-eel oeqbal thaq

duq maq
jiav nail gaq pevq
nail ngaol. Aivq neq,
Miqyail nail
sivtavq bhai ail
lal khi aqdoevq doevq
nail gaq pevq nail
ngaol.

1

Miqyail miltsaq kovtavq bhai
hel daiq-u phao, kha dai
haqev nail bhai ya moel-a
nail ngaol. Khul khi mail dai
ngal-aq, tsaol-aq yaq juq iqsanl
oeqbal mail bhee nail ngaol.


2

Aq-u phao, Miqyail Nol-avq bhai ge bhiq-a nail: "Ngal tsaol-aq yaq iqsanl bhai lav cov nail galduq noeq ceiv-aoq nail ngaol. Miltsaq niil neq, aqyu juq nail haqev nail pha-q-i mail bhee nail ngel-i mail, aqyu juq khi miltsaq niil iqsanl bhai, ngal lav peivq gil nail ngaol."




3

Al heel ngel-i mail, naol, haoqlil nail aqbhaol-i mail laovq laovq ma teevq laovq cov yaoq. Lavqkhoel phao aqkhaon lav sav khi lavqniil lavqkhoel iqsanl mail teivqnav-i mail leivq tsoiq gil yaoq."



4



Laovq al laovq neq, heelma phao 300 cav, eeq nail phao 50 cav dai khi, daqmoe phao 30 cav ya bhi bhee nail ngaol.


5



"Naoq nail phaqqaq ma yaq nail galduq dai khi, jaiqqaq juq nail galduq, yaoq phaqq yaoq-aol nee lovq lai dai jaq jaq daol daol oil bhoel gai yaoq" dai, ge bhiq-a nail ngaol.

6

Ulcuvq deq pheeqq nail gaiqlaq bhai, aqdoevq bhi doevq nail galduq, aqdoevq khal doevq nail jaiqqaq juq iqsanl mail, teevq phaqq nail aqphoil aqma teevq gu dai, laovq lavqkhoel bha, naoq-ai nee khul bhoel gil laivq yaoq.




7




Naoq-ai nee mail teevq gaqq khe-ai haol nail jaiqqaq juq bhai aqphoil aqma teevq phaqq nail sivq gu dai, khul bhoel yaoq. Maqq haol nail jaiqqaq juq neq, teevq phaqq nail teevq gu taivq-ail, khul bhoel yaoq.

8




Nol-avq dai khi aivq nail khaqma maqkhaiq, aivq nail yaqyov juq dai khi aqyu juq nail khaqma juq maqkhaiq, ulcuvq deq phee q nail nee ya jel-ail nail galduq, laovq lavqkhoel bha aol gil lai-a nail ngaol.

9



Nol-avq nail aqkovq 600 kovq bhee lal khi, nvq heeq heeq 17 n bhai, miltsaq daoqthaoq nee mail ulcuvq dov lal-a nail nee ovqtavq, nqtavq khe ulcuvq nail lolgov juq iqsanl mail, phao ha gil khi, maq-aol aol dee dee lee-a nail ngaol.

10




Miltsaq kovtavq bhai 40 n bhee dai, nqkiv n-gaol maq naq dai, maq-aol aol lee-a nail ngaol.

11




Ulcuvq deq dav lal dee dee-u phao, laovq laovq ma al laovq gail ulcuvq nail kovtavq bha bhoel nail ngaol.

12



Ulcuvq al jaiq-ail deq dav lal-a nail ngel-i mail, daqmoe khal moe nail gaoqjaoq juq iqsanl mail, ulcuvq-i mail deq phee q gil-a nail ngaol. Al heel ngel-i mail, miltsaq kovtavq khe aqhaq gaol khi aqdoevq khal doevq nail juq iqsanl mail sil gil-a nail ngaol.


13



Thail hai ngaol-aol, Heeqphaq Miqyail neq, Nol-avq dai khi aivq nee mail teevq gaq khe-ai laovq laovq ma nail lavqkhoel bha jaol nail haqtsoiq jaiqyaq juq bhai khi tsu nail jaiqyaq juq bhai, maq nioil peivq-ail.

14

Al heel ngel-i mail, miltsaq kovtavq
bhai lilmoel bhi bhoel lal khi, ulcuvaq
sivq kha ail-a nail ngaol.



15

Haoqnao teevq pov ulcuvaq
sivq-ail khi, miltsaq moel
lal-aoq thaq-al laiq dai, ya
heeq kivq nail haqbhoil,
Nol-avq neq, khaoqkhoiq teevq
maol, gaoq phaiq dov gai-aivq
daiq thaq nail ngaol.



16

Nvq la bhala nvq tsel sivq n n-gaol neq, miltsaq aqmeeq
dai, gee gil lai-a nail ngaol. Aq-u phao, Miqyail
Nol-avq bhay ge bhiq-a nail: "Naol naoq



17

nail khaqma, yaqyov juq dai khi
mail khiqma juq nee
mail teevq gaq khe-ai,
laovq laovq ma
nee mail
dov-ail
yaoq."


Aq bhay nee ngal-aq,
Nol-avq neq,
Heeqphaq Miqyail
bhay laol bhiq nail
haqbhoil, laolduq lav
sav khi, aqhaol haol nail
jaiqyaaq juq dai khi, aqhaol
haol nail keivq-avq juq nail
lavqkhoel khe nieivq
dov-a nail nee

ovqtavq, laolduq
kovtavq bhay,
miqjaaq kheq poiv
khi laol bhiq-a nail
ngaol.



18


Naq-ai nee
teevq gaq khe-ai
teevq yeel nee
teevq yeel, aqdoevq
khal doevq nail pha
iqsanl mail dai khi, ngal
khaqmao gail, jaq-ai thaq nail



19

daoqma saljial nail
salkhil pevq dai, nqdil
lavqkhoel bhay, ngal
haildallalkov bhi dov
lal nail ngaol. Haildallalkov
al laiq neq, miltsaq dai khi,
ngal daoqma saljial jaq
tavq-a nail salkhil ngaol.


Ngal nqtavq
kovtavq bha nqdil
bhi dav lal khi,
nqdil nail lavqkhoel
bhay, haildallalkov dov
lee nail yaoq pov
yaoq-ao nee,



20

aqdoevq doevq nail
juq yaoq pha yaoq-ao
nee bhay, yaqhao teevq
pov ulcuvaq deq pheeq
khi, maq lav heivq-ail
dai, nul juq dai khi,


Miqyail neq, Nol-avq dai khi aivq nail yaqyov juq bhai geeqlaoq bivq khi, aqyu juq bhai ge bhiq-a nail: "Miltsaq doi dai bhijaol bhee-ail nail galduq, yaq mao dai bhao yaoq. Laovq laovq ma nail lavqkhoel nee dov ail-a nail Nol-avq



nail yaqyov juq neq Seiq mav, Haq mav dai khi Yaq phai juq ngaol.

21


(Haqmav neq Khaqnanq nail aqbhu pevq nail ngaol). Miltsaq kovtavq khe khal jaol nail tsaol-aq yaq juq neq, Nol-avq nail yaqyov hail gaq nee mail jeq lee el lee thaq nail juq pevq nail ngaol."



22

Yeiqsul gaoq ge nail: Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq gaq teevq-eel ngaol-aoq, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

3



60

23

Lolmav 3:23 Khul khi mail dai ngal-aq neq, tsaol-aq iqsanl mail oeqbal nl-a nail ngel-i mail, Miqyail nail seiqleiq khaqsail bhai maq ya nia-ail.

Lolmav 6:23 Oeqbal nail aqphoiq neq, ya sil nail ngaol. Thail hai ngaol-aoq, Miqyail-i mail ngadao bhai aqnieivq ail bivq lavq-a nail kovpavq neq, ngadao nail Heeqphaq Yeiqsul Khali bhaq da nee, nqmaq maqluv halyeel ya doevq nail ngaol.

Heiqbhail 9:27 Ngadao tsaol-aq teevq pov ya sil khi, yaqhao yalkhaq dal nail bhai ya daq nail ngaol.

24

Eilpheilsu 2:8,9 Nul juq neema thaq tsaol nail lavqkhoel Miqyail nail geeqlaoq eel jaol bhaq da nee, hevq kovq nail pha q ya-a nail ngaol. Yovqgavq bhai yovqgavq nl-a hal-a nail bhaq da nee ya-a nail maq ngel-ail. Miqyail-i mail bivq lavq-a nail kovpavq ngaol. Nl nail hal nail bhaq da nee ya-a nail maq ngel-ail. Al heel ngel-i mail, tsaol-aq teevq gaq iqsanl neema eeq duq maq jiv-ail.

Lolmav 10:9,10 "Yeiqsul neq, Heeqphaq ngaol" dai, naoq nail moeqthaoq khanq khi, "Miqyail aivq bhai bhi doevq kovq lal-a nail ngaol" dai, naoq nail neema lavqkhoel nee, neema thaq tsaol haq neq, Miqyail naoq bhai hevq kovq lavq nail ngaol. Neema lavqkhoel nee, neema thaq tsaol nail ngel-i mail, Miqyail nail sivtavq bhai tsaq nail daol nail tsaol-aq pevq lal khi, moeqthaoq khanq-a nail ngel-i mail, hevq kovq nail pha q ya-a nail ngaol.

25

Yaolhaq 3:16,17 Yeiqsul gaoq ge nail: "Miqyail miltsaq yaq bhai gaiq-a dee dee nail ngel-i mail, aivq nail Yaqyov teevq gaq teevq-eel ngaol-aoq, bivq lavq-a nail ngaol. Yaqyov bhai neema khal thaq tsaol nail tsaol-aq maq ya cov ail nail nee ovqtavq, nqmaq maqluv halyeel ya doevq nail ngaol.

Khul khi mail dai ngal-aq neq, miltsaq yaq bhai yalkhaq bhi dal nail dai khi, Miqyail aivq nail Yaqyov miltsaq bhai bhi lee-a nail maq ngel-ail. Miltsaq yaq bhai bhi hevq kovq lee-a nail ngaol."

26

1 Yaolhaq 5:11-13 Miqyail salkhil khaq nail al neq, ngadao bhai nqmaq maqluv halyeel doevq nail pha q bivq lavq-a nail ngaol. Nq maq maq luv hal yeel doevq nail al neq, aivq nail Yaqyov nail lavqkhoel bhai aol nail ngaol.

Yaqyov bhai hav bhoel nail tsaol-aq, doevq nail pha q ya nail ngaol. Yaqyov bhai maq hav bhoel nail tsaol-aq, doevq nail pha q maq ya-a il.

Miqyail nail Yaqyov nail aqmil bhai neema tha q tsaol nail nul juq, nqmaq maqluv halyeel doevq nail pha q ya nail ngaol dai, nul juq ya heeq kivq dai, ngal nul juq bhai haoqgavq niil gevq bhoel-ai leevq-a nail ngaol.

27

Genesis 6 - 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Akeu Bible (aeu) © 2016, Wycliffe Bible Translators,
Inc. All rights reserved.

<https://live.bible.is/bible/AEUWBT/GEN/1>

©2024 Bible for Children, Inc.

www.M1914.org

www.bibleforchildren.org

28